



**GJYKATA SUPREME E REPUBLIKËS SË KOSOVËS**  
**VRHOVNI SUD REPUBLIKE KOSOVA**  
**SUPREME COURT OF THE REPUBLIC OF KOSOVA**

*Agj.nr.314/2012*

10.09.2012

Prishtinë

*Gjykata Supreme e Republikës së Kosovës, në mbledhjen e përgjithshme të mbajtur më 10.09.2012, në bazë të nenit 18 të Ligjit Për Gjykatat e Rregullta , përcaktoi këtë:*

**MENDIM PARIMOR JURIDIK**

***Kundër aktvendimit me të cilin gjyqtari për konfirmim ka konfirmuar aktakuzën i akuzuari ka të drejt ankese.***

***A r s y e t i m***

*Gjykata e Qarkut në Mitrovicë, ka paraqitur kërkesë me të cilën ka kërkuar, që kjo Gjykatë, të merr qëndrim juridik , lidhur me lejueshmërinë apo mos lejueshmërinë e ankesës, kundër aktvendimit për konfirmimin e aktakuzës.*

*Seanca e përgjithshme e Gjykatës Supreme konsideron se në situatën e tillë të akuzuarit duhet njohur e drejta në ankese për këto arsyt :*

*Sipas nenit 309 par.3. të KPPK , i pandehuri pas marrjes së aktakuzës i ka në dispozicion tri mundësi alternative ; alternativa e parë të heqë dorë nga shqyrtimi aktakuzës dhe provave( në këtë rast nuk ka fare procedurë të konfirmimit , por gjyqtari për konfirmim pa seancë të konfirmimit e konfirmon aktakuzën brenda 60 ditës); të heqë dorë nga seanca për konfirmim dhe të paraqesë kundërshtim me shkrim kundër aktakuzës dhe pranueshmërisë së provave ; ose të vazhdoj me seancën e konfirmimit .*

*Neni 431 par.1.i KPPK shprehet; Kundër aktvendimit të gjyqtarit të procedurës paraprake si dhe kundër aktvendimeve tjera të gjykatës së shkallës së parë, palët dhe personat të drejtat e të cilëve janë shkelur, mund të paraqesin ankesë, me përjashtim kur me dispozitat e këtij Kodi shprehimisht nuk lejohet ankesa e tillë.*

*Sipas par.2.të nenit të cituar , kundër aktvendimeve të kolegjit të përbërë nga tre gjyqtarë nuk lejohet ankesa në procedurën paraprake, me përjashtim kur ky Kod parasheh ndryshe.*

*Sipas paragrafit 3.aktvendimet që merren për përgatitjen e shqyrtimit gjyqësor dhe të aktgjykimit mund të kundërshtohen vetëm me ankesë kundër aktgjykimit , përveç kur ky Kod parasheh ndryshe .*

*Sipas paragrafit 4.kundër aktvendimeve të Gjykatës Supreme të Kosovës nuk lejohet ankesë.*

*Nga interpretim logjik dhe gramatikë i par.1.të nenit 431 qartë rezulton se ndaj secilit vendim të gjykatës së shkallës së parë është lejuar ankesa , me përjashtim kur me dispozitat e këtij Kodi në mënyrë eksplicite për raste të caktuar është përjashtuar mundësia e atakimit me ankesë (paragrafi 2,3 dhe 4), ndërsa me asnjë dispozitë ligjore nga ky Kod, shprehimisht nuk është përjashtuar ushtrimi i ankesës, ndaj aktvendimit me të cilin është konfirmuar aktakuza.*

Në nenin 317 par.3.të KPPK, është paraparë mundësia e paraqitjes së ankesës nga prokurori dhe i dëmtuari, ndaj aktvendimit për hedhjen e aktakuzës, por shprehimisht nuk është përjashtuar e drejta në ankesë ndaj aktvendimit për konfirmim të aktakuzës. Megjithatë sipas paragrafit 1.të nenit 431 të KPPK , ndaj secilit vendim të gjyqtarit të procedurës paraprake dhe vendimeve të gjykatës së shkallës së parë mund të ushtrohet ankesa , ndërsa nuk ekziston asnjë dispozitë ligjore që në mënyrë shprehimore ndalon ankesën ndaj aktvendimit për konfirmimin e aktakuzës..

Edhe pse kështu siç është ndërtuar norma ligjore mund të ndodhem në situata të ankimeve të dyfishta, ngase i pandehuri mund të ushtroj njëherë kundërshtim ndaj aktakuzës konform nenit 309 par.3.pika 3 të KPPK dhe nëse gjyqtari për konfirmim refuzon kundërshtimin dhe konfirmon aktakuzën, të paraqesë edhe ankesë kundër aktvendimit për konfirmimin e aktakuzës , prapë se prapë konsiderojmë se ai nuk mund të privohet nga një e drejt e cila i derivon nga neni 431 par.1të KPPK dhe e cila normë ligjore nuk është kufizuar me asnjë dispozitë tjetër ligjore të këtij Kodi.

Kryetari i Gjykatës,

Dr.sc. Fejzullah Hasani

